

Numeri 10:35 Ge polokelo e tsoga Moshe o be a bolela a re: Nanoga, Morena, manaba, a gago a rakwe, Bahloï ba gago ba tšhabe!

Doiteronomio 23:5 Morena Modimo wa gago a gana go kwa Bileama, a go šatolela thogo ya ba tšhegofatšo, ka gobane Morena Modimo wa gago a go rata. (Nehemia 13:2)

Dipsaleme 44:4 Modimo! Kgoši ya ka ke wena! Phalala o phološe Jakobo.

Jesaya 61:1 Moya wa Morena Mong a bohole o mo go nna, gobane Morena o mpeetše go begela babotlana taba tše dibotse; o nthometše go alafa ba dipelo tše robegilego, gore ba ba thopilwego ke ba goelele khunologo, ke goelele ba ba tlemilwego go gololwa, (Luka 4:18)

Mateo 6:13 o se re iše molekong; gomme o re phološe bobeng; gobane mmušo ke wa gago, le maatla, le tumišo, ka go sa felego. Amene. (Luka 11:4)

Mateo 8:16 Ya re e šetše e le mantšibua, ba tliša ba bantši ba ba nago le meoya e mebe; mme Jesu a leleka meoya yeo e mebe ka go bolela le yona, a fodiša bohole ba ba babjago.

Mateo 10:1 Ya re ge a biditše barutiwa ba gagwe ba lesome le metšo e mebedi, a ba fa matla a go leleka meoya ya ditšila, le a go fodiša malwetši ka moka le mefokolo ka moka. (Mareka 3:14,15)

Mateo 10:8 Fodišang balwetši; tsošang bahu; thakgafatšang ba lephera; lelekang meoya e mebe. Le filwe fela; le lena fang fela.

Mateo 12:26-29 Bjale ge Sathane a ka leleka Sathane, ge a ikgaoganya, mmušo wa gagwe o tlo ema bjang? 27 Ge le re nna ke leleka meoya e mebe ka Beletsebulu, ge e le barwa ba lena ba e leleka ka mang? Ke gona, baahlodi ba lena e tlo ba bona. 28 Nna bjale ge ke leleka meoya e mebe ka Moya wa Modimo, ke gona ge mmušo wa Modimo o tlide go lena. 29 Ka gobane ngwakong wa mogale motho a ka tsena bjang a thopa dilo tša gagwe, ge a sešo a tlema mogale eo, a kgona a thopa ngwako wa gagwe? (Mareka 3:23-27)

Mateo 12:43-45 Mohla moyo wa ditšila o tšwago go motho, o a putlaputle dinaga tša lesehla; o nyaka bokhutšo a se bo hwetše. 44 Ke mo a rego: Ke tlo boela ngwakong waka wo ke tšwilego go wona! Gomme ge a fihla gona, o o hwetša o le fela, o fsietšwe o hlophilwe. 45 Bjale o a ye a boe le e mengwe meoya e šupago, e o fetišago ka bobe, mme o tsene o dule gona; mme tša mafelo a motho eo e be tše mpe, tše di fetišago tša pele. Moloko o mobe wo o tlo tlelwa ke tše bjalo.

Mateo 15:22,26,28 Gwa tšwelela mosadi wa Mokanana wa mathoko ao, a goeleša a re: Nkgaugele, Morena Morwa-Dafida; ngwanenyana waka o hlakišwa mo gobe ke moyo o mobe. 26 Jesu a fetola, a re: Ga go botse ge motho a tše bogobe bja bana, a bo lahlela dimpjanyana. 28 Ke mo Jesu a fetotšego a re: Mosadi! Tumelo ya gago ke e kgolo; o nke direlwé tše o di

ratilego. Gomme ngwananyana wa gagwe a fola go tloga ka yona nako yeo.
Mateo 16:19 Ke tlo go nea dikgonyu tša mmušo wa magodimo. Tše o tlogo di tlema mo lefaseng di tlo tlengwa le magodimong. Tše o tlogo di hunolla mo lefaseng di tlo hunologa le magodimong. (Mateo 18:18)

Mateo 17:19-21 Barutiwa ba tla go Jesu ba bolela le yena thopeng, ba re: Ke ka baka lang ge rena re paletšwe go o leleka?20 Jesu a re: Le šitišitšwe ke go hlaela tumelo; gobane ke le botša therešo ge ke re: Ge le ka ba le tume-lo e kakago thorwane ya lehloko, le ka bolela le thaba ye la re: Tloga mo, o ye kua; ya tlo tloga ya ya. Go ka se ke gwa ba le se se le palelago. 21 Fela, mohuta wo wa meoya e mebe ga o tšwe ge e se ka thapelo le ka go ikona.

Mareka 1:23-26 Gona moo phuthegong ya bona go be go na le motho wa moywa ditšila; yena yoo a goa a re: 24 O na le taba mang le rena. Wena Jesu wa Natsaretha? A o tlile go re fediša? Nna ke a go tseba; o Mokgethwa wa Modimo. 25 Jesu a mo kgalema a re: Homola! Tšwaa go motho yo.

Mareka 1:32-34 E šetše e le mantšiboa, letšatši le diketše, ba tliša balwetši bohole go yena, le ba ba nago le meoya e mebe. 33 Motse ka moka wa ba wa bokana moo mojakong. 34 Jesu a fodiša ba bantši ba ba babjago ka malwetši a mehutahuta, a leleka meoya e mebe e mentši, a se dumele ge meoya e mebe e bolela e re e a mo tseba.

Mareka 1:39 A tšama a ruta diphuthegong tša bona nageng ka moka ya Galilea, a leleka meoya e mebe.

Mareka 5:8 A realo ka gobane Jesu o be a itše: Tšwa go motho yoo, wena moywa ditšila!

Mareka 6:7,13 A bitša ba lesome le metšo e mebedi, a ba roma ka babedi ka babedi, a ba fa maatla a go fenza meoya ya ditšila. 13 Ba leleka meoya e mebe e mentši, ba tlodiša balwetši ba bantši makhura, ba ba fodiša.

Mareka 9:23-25 Jesu a re: Ge o ra go kgonwa, dilo tšohle di kgonwa ke e a dumelago. 24 Ya ba gona tatago ngwana a goeletšago, a bolela ka megokgo a re: Morena! Ke a dumela. Ntlhakodiše go se dumeleng. 25 Bjale Jesu ge a bona batho ba kitimela ba tlala moo, a kgalema moywa woo wa ditšila, a re: Wena moywa semuma le sefou, ke nna ke go laelago ke re: Tšwaa go motho yo; o se ke wa hlwa o mmoela.

Mareka 9:29 Jesu a re: Mohuta woo o ka se ke wa tšwa ge e se ka thapelo le ka go ikona.

Mareka 9:38,39 Johane a mmotša a re: Moruti, re bone motho a leleka meoya e mebe ka leina la gago, a sa sepele le rena; ra mo iletša ka gobane a sa sepele le rena. 39 Jesu a re: Se mo iletšeng, gobane ga go motho e a kago dira mohlolo ka leina la ka, a tloga a nkgoboša.

Mareka 16:17 Mehlolo ye e tlo go felegetša ba ba dumetšego še: Ba tlo leleka meoya e mebe ka leina laka; ba tlo bolela ka maleme a mafsa;

Luka 4:34-36 Lesa! O na le taba mang le rena, wena Jesu wa Natsaretha? A o tlile go re fediša? Ke a go tseba; o Mokgethwa wa Modimo. 35 Jesu a mo

kgalema a re: Homola! Tšwaa go motho eo! Gomme moyo o mobe wa mo lahlela gare ga batho, wa tšwa go yena, wa se mo dire selo. 36 Bohle ba swarwa ke tšhogo, ba botšana ba re; Ke thuto mang ye? Meoya ya ditšhila o e laela ka matla le ka bogale, ya napa ya tšwa.

Luka 4:41 Le meoya e mebe ya tšwa go ba bantši e goeletša e re: Ke wena Kriste Morwa wa Modimo! Yena a e kgalema a e iletša go mmolela, ge e mo tseba ge a le Kriste.

Luka 7:21 Ka lona lebaka leo Jesu o be a fodiša ba bantši ba malwetši le mahloko, le ba meoya e mebe, le ba bantši ba difofu a ba gaugela, ba buša ba bona.

Luka 8:29 A realo ka gobane Jesu o be a laela moyo woo wa ditšhila a re o tšwe go monna eo. Gobane moyo o mobe woo o be o mo utlautla gantši, a ba a tlengwa matsogo le maoto ka ditšhipi le ka mefiri, e le go mo lotola; mme a kgaoganya ditlemo tše, moyo o mobe wa mo kwatakwatiša wa mo iša lešokeng.

Luka 9:40 Ke kgopetše, barutiwa ba gago gore ba o leleke; mme o ba paletše.

Luka 10:17-20 Ba masome a šupago ba boa ba thabile, ba re: Le meoya e mebe re be re e buša ka leina la gago. 18 Jesu a re: Sathane ke mmone a ewa legodimong bjalo ka legadima. 19 Tsebang, ke le nea matla a go gata dinoga le dihpepheng, le a go fenza matla ka moka a lenaba; ga go se se tlo go ba sa le šulafatša. 20 Fela, le se ke la thabela tše, ge meoya e bušwa ke lena. Thabang gobane maina a lena a ngwadilwe kwa magodimong.

Luka 11:14 O kile a leleka moyo o mobe wa semuma; ya re ge moyo o mobe woo o etšwa, semuma sa bolela; gomme batho ba tlabega.

Luka 11:20-22 Bjale ge ke leleka meoya e mebe ka mono wa Modimo, ke gona ge mmušo wa Modimo o tlide go lena. 21 Ge mogale a letile motse wa gagwe a swere marumo, tša gagwe di tlo dula mme gwa iketlwa. 22 Fela, ge e a mo fetago ka bogale a mo šwahlela a mo fenza, o tlo mo amoga marumo ao a bego a botile ona, a abaganya dithebola.

Luka 13:32 Jesu a re: Sepelang le yo botša phukubye yeo, le re: Tseba gore ke leleka meoya e mebe, ke fodiša batho lehono le bosasa; ka moso ke yo feleletša.

Johane 14:12 Ruri, ruri, ke a le botša, e a ntumelago, o tlo dira mediro ye ke e dirago, o tlo dira le e fetišago yeo, gobane nna ke ya go Tate.

Johane 17:15 Ga ke kgopele gore o ba tloše lefaseng; ke ba kgopelela go phemelwa bobo.

Ditiro tša BaApostola 10:38 Ke taba ya Jesu wa Natsaretha, yo Modimo a mo tloditšego ka Moyamokgethwa le ka maatla, a tšama a šetša batho, a fodiša bohole ba go katakelwa ke Diabolo gobane Modimo o be a na le yena.

Ditiro tša BaApostola 16:17,18 Yena eo a re šala nthago re na le Paulo, a goa a re: Batho ba ke bahlanka ba Modimo yo godimodimo; ke bona ba le tsebišago tsela ya phološo. 18 A dira ka mokgwa woo matšatši a mantši.

Paulo a kwa boholoko, a retologa, a bolela le moyo woo, a re: Ke go laela ka leina la Jesu Kriste ke re: Tšwaa go motho e! Moya woo wa tloga ka lona lebaka leo.

Ditiro tša BaApostola 19:11,12 Modimo a dira ditiro tše maatla tše di tlabago ka diatla tša Paulo. 12 Ba ba ba tše mašelana a gagwe a go phomola dikudumela, le a bego a a apere, ba apeša balwetši ka ona, ba napa ba tlogwa ke malwetši, le meoya e mebe ya tšwa.

Ditiro tša BaApostola 26:15-18 Nna ka araba ka re: Ke wena mang, Morena?

Yena a re: Ke nna Jesu yo o mo hlomerego. 16 Fela, tsoga o eme ka dinao; gobane ke go bonagaletše gore ke go dire mohlanka, ke go dire hlatse ya tše o di bonego le ya tše ke sa tlogo iponatša go wena ka tšona. 17 Ke tlo go hlakodiša diatleng tša setšaba se le diatleng tša bantle, ba ke tlogo go roma wa ya go bona. 18 Wa tlo ba budulola mahlo, wa tlo ba gomiša ba tšwa leswiswing ba tla seetšeng, ba tšwa maatleng a Sathane ba tla go Modimo; ba tle ba lebalelwe dibe, ba je bohwa le ba ba kgethegilego ka go dumela nna.

BaRoma 16:20 Modimo wa molao o tlo tloga a kgabutlanya Sathana la mo gata ka dinao. Kgaugelo ya Mong a rena Jesu Kriste a e be le lena.

2 BaKorinthe 2:11 gore re se ke ra foraforetšwa ke Sathane, gobane maano a yena eo ga se go re ga re a tsebe.

BaGalatia 1:4 e a ikgafilego ka baka la dibe tša rena gore a re phološe lebakeng le lebe le la bjale, ka go rata ga Modimo Tata wešo.

BaEfeso 4:27 Mme le se ke la šuthela Diabolo sebaka.

BaEfeso 6:11 Aparang ditlhamo tšohle tša Modimo, gore le kgone go fenza dipogo tša Diabolo

2 BaThesalonika 3:2,3 Le gore re hlakodišwe bathong ba babe ba go se tsebalege; gobane tumelo ga se ya bohole. 3 Morena yena ke mmotegi; o tlo le tiiša a le phemela tše mpe.

2 Timotheo 2:26 Mohlomongwe ba tlo hlabologa ba phonyokga digole tša Diabolo tše a ba tantšego ka tšona, gore a ba diriše se yena a se ratago.

2 Timotheo 4:18 Gomme yena Morena o sa tlo ntlhakodiša medirong e mebe yohle ka tlo phologela mmušong wa gagwe wa magodimong. Go retwa a e be ga gagwe go iša mehleng ya neng le neng. Amene.

1 Petro 5:8 Le phafoge le phakgame, gobane diabolo lenaba la lena o le dikologa boka tau e bopago; o nyaka yo a kago mo metša.

1 Johane 4:4 Bana ba ka! Lena le bana ba ba tswetšwego ke Modimo, gomme batho bao le ba fentše; gobane Walena o feta eo wa lefase ka bogolo.